



Ni Sarih Tawngtai Rualna 2017 khawvel huap EMC tawngtai rualna

Tawngtaina hmanga khawvel mi zawng zawngte tana dilsakna leh remna siamtu ni tura tumna leh inhlanna kan neih theih avangin a lawmawm a. Thlarau Thianghlim chuan min tawngtaisak fo thin angin, keini pawh mite tana tawngtai turin min sawm a. Chutianga kohna chhan chu kan mawhpurhna a nih rualin, kan vanneihna pawh a ni a, intuaitarlehna nun ataka kan neih leh theihna a ni a, khawvel huapa harh thar lehna kan chan theihna tura Thlarau Thianghlim kan thawhpui theihna kawng pawh a ni.

Tawngtaina hi harhna awp keutu leh a bu lai zawl a ni.

“ ... ka mite chuan inggaitlawma an tawngtai a, min zawna, an awm dan sualte an hawisan chuan, van atangin ka lo ngaithla ang a, an sulte ka ngaidam ang a, an ram chu ka tihdam leh ang.” 2 Chronicle 7:14

EMC chuan Pathian kohna anga khawvel huapa tawngtai turin min fuihin min sawm a ... chutianga mi zawng zawng tana tawngtai tura tan lakna leh inhlanna chu ni 7 tawngtai rualna thupui hmanga neih tur a ni a, 2017 Tumkau Pathian nia tihtawp tur a ni.

Tawngtai thupui pahnih heng ni atan hian kan nei: Pathian ralthuam leh Lalpa tawngtaina chungchang.

Kum 2017 Ni Sarih Tawngtai Rualna hun chhung hian Apostol Paula'n Ephesi mite hnena lehkha a thawn thu tawpna lam hmangin Pathian pawlna thar chang turin kan inbuatsaih dawn a. Paul'n kan nitin nuna min tibuaitsu Thlarau lam indonaa hnehtu kan nih theih nan Pathian ralthuam famkim kan hman theihna turin min fuih a. Lalpaah leh a chakna thahruih thiltihtheihna neia awma kan nun humhim turin min duh a. Krista hmanga kan dote kan hneh theih nan Pathian thutaka ding ngam tur leh tawngtainaa chakna tithar zel turin min duh a ni.

He tianga tum mumal leh beisei neia kan tawngtainaah hian, Matthaia 6:9-13 leh Luka 11:1-3 thua kan hmuh Lalpa tawngtaina tia kan sawi thin hmang hian kan tawngtai dawn a ni. Isua nun kha tawngtaina nunin a chiah hneh hle a. Nitina Pathian a pawlna nun hmangin chakna a hmu a, thlamuanna a chang a, thiltihtheihna leh hlimna a chang bawka ni. Chutianga nun a neihzia tilang chiangtu chu Pathian leh a Pa pawl nan zing hma takah thovin a tawngtai thin a, Pathian a bia a, a nitin nun atan Pathian kaihhraina a dil thin a ni.

Isuan chin dan khan a zirtirte rilru a hneh hle a, tawngtai dan tur zirtir turin an ngen hial a. Chu dilna chu chhanga a thlamuanna chu tlang chungka kan Lalpa thusawiah khan kan hmu thei. Chu kaihhraina chu zuiin (puithuna tawngkam anga rilrua vawng mai lovin), kan mimal rilru vak vel dah kiangin, Pathian kan Pa chu rilrua tinzawnin kan tawngtai a. Kan nun chu Pathian ram leh a duh dan nena inzawma kan duhna leh kan beiseina a hnena kan thlena kan dil chuan a huho leh mimal nuna kan mamawhte chu pekin kan awm ang.

Ni Khatna

“Thlarau lama indona”



Ephesi 6:10-11 – “A tawp berah chuan, Lalpaah leh a chakna thahruih chuan thiltihtheihna neiin lo awm rawh u. Diabola ngamthlemnate chu in do zawh nan Pathian ralthuam famkimin inthuam rawh u.”

Kan nun hi indonaa khat a ni a, kan nun hian nitin buan leh beih a nei reng a, kan taksa leh kan thlarau nun kawng tinrengah hnehtu nih kan duh chuan Pathian ralthuam famkima kan inthuam a mamawh a. Indona zawng zawngah hian thil chi hnih kan hmu thei a – indona hrim hrim hi thil hlimawm lo tak a nih rualin mahni tanghmasialna a ni thin. Engtiang indona pawh nise chu mia kan hman tur ralthuam chu Pathianin min pe theuh va. Chu kan ralthuam chu Paulan a hun laia sipaiten hnehna an chan theihna tura an hman thin ralthuam nen a tehkhin a. Chu chu “Pathian ralthuam famkim,” a ti a. Chung ralthuamte chu: 1. Kawngghren (Thutak); 2. Awmphaw (Felna); 3. Pheikhawk (Chanchin Tha); 4. Phaw (Rinna); 5. Lukhum (Chhandamna); 6. Chem (Thlarauva Pathian thu thiltihtheihna).

Kan invenhimna tur chu Pathianin kan hmaah min chhawp a. Ringtuin nitin nun kawngah hnehna a chan theih nan Pathian ralthuama a inthuam reng a mamawh a. Chu ralthuam hmang vek chuan a invenhim a mamawh bawh. Kan nun himna hi chu miah chuan a inngat a ni. Kan nun hi kan hre chiang tur a ni. Kan chhehvela thil awm hi beisei tlak leh inngahna tlak a awm lo va ... kei mahni ngeiin kan do vang a, kan bei ang a, kan hneh tur a ni. He Ni Sarih Tawngtai Rualna kan hman hian keini hi Pathian chhiahhlawhte kan ni tih hi i hre reng ang u, Pathian ralthuam chu a ropuiin thil a tithei a, uluk taka kan inbuatsaiha kan rin tak tak chuan ropui taka ngamtu kan ni ngei ngei ang. Amah Pathian ruala raldo ve tura he hun pawimawh tak maia in kalnaah Pathianin malsawm che u rawh se.

Tawngtai rualna atana rawtna leh ruahmanna

“Tin, hetu hi a ni a, Isua khawi i hmunah emaw a tawngtai a, a tawngtai zawh chuan a zirtir mi pakhatin a hnenah, ‘Lalpa, tawngtai dan Johanan a zirtirte a zirtir ang khan min zirtir ve ta che,’ a ti a,” (Luke 11:1)

“Chutichuan, nangni chuan hetiang hian tawngtai rawh u: Kan Pa vana mi, I hming zahawm rawh se. I ram lo thleng rawh se, I duhzawng vana an tih angin leia miin ti rawh se. Vawiinah hian kan ei khawpin chaw min pe ang che. Kan batte hi min ngaidam ang che. Keini pawhin kan englo bate kan ngaidam tak ang khan. Sual tura thlemnah min hrui lut suh la, Mi sual lakah chuan min chhandam zawk ang che, tiin” (Matthaia 6:9-13)

Lalpa tawngtaina hian Pathian chu tu nge (lalber, thianghlim, leh thiltihtheihnaa khat) a ni tih min hriatnawntirin min hmuhfihtir a, mihringte hi engtiang mi nge kan nih (mamawh nei, tanpui ngai, sualnaa khat) tih min ngaihtuahtir bawh a. Tawngtaina hi kan duhna leh kan nunna Lalpa hnena hlanna a ni. Chutianga inhlanna famkim chuan huaisenna leh nghehna min pe a ... A “duhzawng vana an tih angin leiah tihin a awm thin a ni.”

Tawngtai dan tur kaldung chhawng li hriat theih dan awlsam lam tawi ACTS:

Adoration	=	Chawimawina
Confession	=	Sual thuphachawina
Thanksgiving	=	Lawmthusawina
Supplication and Intercession	=	Mite tana dilsakna

Ni sarih chhung tawngtai rualnaah hian Adoration (Chawimawina), Confession (Sualthuphachawina), Thanksgiving (Lawmthusawina) te nei zel turin kan infuih duh a. Chutichuan, nitin ni sarih chhung tawngtaina chuan kawng mumal leh tihdan kalhmang pakhat neiin Supplications (Mite tana dilsakna) nen Pathian duh zawng ngaihvenin khawvel huapa harhna a thlen theih nan leh Chanchin Tha thehdarhna atan kan tawkho thei ang.

Ni Khatna – Tawngtai rualna atana rawtna leh ruahmanna

Chhunzawmna

Chawimawina (minute 10 vel)

“Kan Pa vana mi, I hming zahawm rawh se”

- Tawngtaihona chu Pathian fak leh chawimawinaa bul tan ni se (Pathian chu tu nge a nih, a mizia leh ka tana a thiltihte ngaihtuah chungin).
- Hlim leh lawm taka Pathian biak nana hun hman ni se, awmze thuk zawk neia tawngtai dan min zirtir avanga lawmthu sawina hman ni se.

Sual thuphachawina (minute 10 vel)

“Kan chung a thil tisualtute kan ngaidam angin, Nang pawhin kan thiltihsual min ngaidam ang che.”

- Langsar taka i tihsualnate avangin thuphachawi la, chu bakah Pathian leh mihring hmaa i tihsual, i hriat mai si lote i hriat chhuah theih nan Pathian hnenah dil la, chung sual inthupte chuan Pathian leh nangma inkar bakah i mihringpuite nena in inkarah pawh daidanna bang a siam thei a, chung sualnate chu i hriat chhuah theih nan ngawi rengin Pathian aw nghakin hun engnge maw chen hmang rawh. Tichuan, a ngaihdamna dil la a lainatna tawp nei lo chu hlim takin pawm ang che.
- Sual thuphachawina (mimal tawngtaina emaw a huhova tawngtairualna emaw) hmanga neih hi a tha a, chutianga mimal leh intawngtaisak tawnaa amah kan pawlna kan tlakchham thin avang chuan thuphachawiin Pathian hnenah tawngtai tur a ni. Thuthlung Hlui hunah zawlnei Samuelan sual thuphachawia tawngtai a pawimawh thu a sawi a “... in tana tawngtai ban a, Lalpa chung a sual chu kei atan chuan a hnai lo tawp mai a ni,” a ti a (1Samuela 12:23).

Lawmthusawina (minute 10 vel)

“Ram te, thiltihtheihna te, ropuina te, chatuan I ta a ni si a.”

- Pathianin kan tawngtaina a hriaa a chhan thin avangin lawm fo tur a ni. (Jeremia 33:2-3)
- Kan mimal nuna Pathian malsawmna leh khawngaihna kan dawn a mal te tea ngaihtuah chhuah nan hun thahnem tawh hmangin a hnenah lawmthu sawi tawngtaina i nei ang u.

Mite tana dilsakna (minute 30 vel)

“I ram lo thleng rawh se, I duhzawng vana an tih angin leia mi'n ti rawh se ... Nitin kan ei khawpin chaw min pe ang che ... Sual tura thlemnaah min hruai lut suh la, misual lakah min chhandam zawk ang che.”

- Tawngtai nun kan neih theih nan tawngtai ila, tawngtaina eng zat meuh nge kan mamawh tih kan hriat theih nan tawngtai bawh ila, tawngtaina avang chauhva Pathian thiltihtheihna chang tur kan nihzia kan hriat theih nan i tawngtai bawh ang u.
- Tawngtai khawl hmuntinah a lo pian chhuah theih nan tawngtai tur a ni. Kan kohhranah tawngtaina hun tam zawk kan neih theih nan Pathian hnenah i dil ang u.
- Pathian duhzawng leh a kaihhruaina anga kan tawngtai theih nan tawngtai dan tur ruahmanna kan neih hmain i tawngtai ang u.
- He tawngtai hun chung leh tun hnu zelah pawh bang lova i tawngtaipui theih tur i thenawm leh nangmah nena inkungkaih mite zing atangin mi 5 Pathian hnenah dil rawh.
- Midangte hnen atanga tawngtai thupui lak khawma tawngtai ni se.
- Khawvelah Chanchin Tha a darh zau zel theih nan tawngtai tur a ni a, khawvel hupa thlarau bote chhandamna buh senga an awm theih nan ... hnam tin, chi tin leh tawng tin zingah Isua Krista ringtu leh hnungzuitute an lo pun zel theih nan tawngtai tur a ni.

Ni Hnihna

“Invenna dinhmun”



Ephesi 6:13 – “Chuvangin, ni tha lovah chuan in do zawhna tur leh, in tih zawh vek hnu pawha in din theihna turin, Pathian ralthuam famkim chu la rawh u.”

Ephesi 6:10-20 thu kan zir chianin a sawi tum ber leh tawngkam pawimawh ber chu “din theihna tur,” hi a ni a. Paula rilrua lang sipai dinhmun atanga kan sawi pawhin dotu leh beitu tam tak karah pawh hneha ding thei turin tan lak hi a ni. Chu chu hnehtu dinhmun chu a ni a. Kan dinhmuna din theihna hi hnehtu dinhmun chu a ni. Min beitu leh min dotute hnawh chhuah theihna hi hnehtu dinhmun a ni. Kan chenna ram humhim hi hnehtu dinhmun a ni bawk.

Thlarau lam indonaa hnehna lawmman chu keimahni ngeiin kan hmu thin a. Hmelma min beitate lakah keimahni ngei kan inhumhim tur a ni. Kan rilru chhungah hian hmelmate tan hmun kan zuah tur a ni lo va, kan ngaihtuahnaa thil awmte hian a ni thil titheihna chang thin (2Korinth 10). Thil te thama kan ngaihte lakah hian kan fimkhur tur a ni a, grep huan tichhetu kha sihalnotete an ni (Hla Thlan Khawm 2:15). Rinnaah nghet taka kan din ngheh theihna turin keimahni leh keimahni kan inveng tur a ni (1Korinth 16:13). Sual chuan min hneh theihna tur hun a chan ruk reng avangin englai pawha fimkhur reng tur leh sakeibakneiin a ei theih tur zawnga a rum thin anga Diabola chu a awm avangin englai pawha ngaihven reng tur kan ni (1Petera 5:8).

Engnge maw chang chuan sualin i nun chu a hneh ta emaw tih chang i nei a ni mai thei. Mahse, Chanchin Tha a awm! Pathianin a ralthuamin a thuum che, a ralthuam chuan a humhim dawn che a ni.

Tawngtai rualna atana rawtna leh ruahmanna

“Tin, heti hi a ni a, Isua khawi i hmunah emaw a tawngtai a, a tawngtai zawh chuan a zirtir mi pakhatin a hnenah, ‘Lalpa, tawngtai dan Johanan a zirtirte a zirtir ang khan min zirtir ve ta che,’ a ti a,” (Luke 11:1)

“Chutichuan, nangni chuan hetiang hian tawngtai rawh u: Kan Pa vana mi, I hming zahawm rawh se. I ram lo thleng rawh se, I duhzawng vana an tih angin leia miin ti rawh se. Vawiinah hian kan ei khawpin chaw min pe ang che. Kan batte hi min ngaidam ang che. Keini pawhin kan englo bate kan ngaidam tak ang khan. Sual tura thlemnaah min hruai lut suh la, Mi sual lakah chuan min chhandam zawk ang che, tiin” (Matthaia 6:9-13)

Lalpa tawngtaina hian Pathian chu tu nge (lalber, thianghlim, leh thiltitheihnaa khat) a ni tih min hriatnawntirin min hmuhfihtir a, mihringte hi engtiang mi nge kan nih (mamawh nei, tanpui ngai, sualnaa khat) tih min ngaihtuahtir bawk a. Tawngtaina hi kan duhna leh kan nunna Lalpa hnena hlanna a ni. Chutianga inhlanna famkim chuan huaisenna leh nghehna min pe a ... A “duhzawng vana an tih angin leiah tihin a awm thin a ni.”

Tawngtai dan tur kaldung chhawng li hriat theih dan awlsam lam tawi ACTS:

Adoration	=	Chawimawina
Confession	=	Sual thuphachawina
Thanksgiving	=	Lawmthusawina
Supplication and Intercession	=	Mite tana dilsakna

Ni sarih chhung tawngtai rualnaah hian Adoration (Chawimawina), Confession (Sualthuphachawina), Thanksgiving (Lawmthusawina) te nei zel turin kan infuih duh a. Chutichuan, nitin ni sarih chhung tawngtaina chuan kawng mumal leh tihdan kalhmang pakhat neiin Supplications (Mite tana dilsakna) nen Pathian duh zawng ngaihvenin khawvel huapa harhna a thlen theih nan leh Chanchin Tha thehdarhna atan kan tawkho thei ang.

Ni Hnihna – Tawngtai rualna atana rawtna leh ruahmanna

Chhunzawmna

Chawimawina (minute 10 vel)

“Kan Pa vana mi, I hming zahawm rawh se”

- Tawngtaihona chu Pathian fak leh chawimawinaa bul tan ni se (Pathian chu tu nge a nih, a mizia leh ka tana a thiltihte ngaihtuah chungin).
- Hlim leh lawm taka Pathian biak nana hun hman ni se, awmze thuk zawk neia tawngtai dan min zirtir avanga lawmthu sawina hman ni se.

Sual thuphachawina (minute 10 vel)

“Kan chung a thil tisualtute kan ngaidam angin, Nang pawhin kan thiltihisual min ngaidam ang che.”

- Isua Krista min thawhsak avanga kan chan tur soal hneh nun kan neih loh avangin soal thupha i chawi ang u. Paulan ti hian a ziak a, “Chuvangin taksa duhzawng in zawmna turin, in taksa thi theiah chuan sualnain rorel suh se. Sualnain in chungah thu a nei dawn tawh si lo, dan rorela awm in ni lo va, khawngaihna rorela awm in ni zawk si a,” (Rom 6:12, 14).
- “Aw, mi sang tam tak zaite chuan,” tih Charles Wesley-a hla chuan, “Sualna zawng zawng hnehtu chuan, Mi tangte a chhan chhuak ...” a ti a. “Chatuan Lungpui, Aw Krista,” tih Augustus Toplady hla chuan, “... Soal leh a theihna ata, Min tlengin min tithiang se,” a ti a. Kraws thiltihtheihna hian ngaihdamna chauh min chantir lova, sualna zawng zawng pawh min hneh sak a. Isua Kraws thiltihtheihna a famkima kan chan loh avangin thuphachawi ila, soal hneh nun kan neih theih nan i dil ang u.

Lawmthusawina (minute 10 vel)

“Ram te, thiltihtheihna te, ropuina te, chatuan I ta a ni si a.”

- Lalpa zarah kan chhung te, kan thian te, kan hna leh kan zirna sikul hmuna kan mihringpuite nen inpawhna leh inlaichinna tha tak kan neih avangin Pathian hnenah lawmthu i sawi ang u.
- “Krista thlamuanna chuan in thinlungah rorel rawh se ... lawm nachang hre bawh rawh u,” (Kolossa 3:15).

Mite tana dilsakna (minute 30 vel)

*“I ram lo thleng rawh se, I duhzawng vana an tih angin leia mi'n ti rawh se ... Nitin kan ei khawpin chaw min pe ang che ...
Sual tura thlemnaah min hruai lut suh la, misual lakah min chhandam zawk ang che.”*

- Tawngtai nun kan neih theih nan i tawngtai chhunzawm zel ang u. Rees Howells chuan kan tawngtai chhanin a awm tih kan hriat theihna pawimawh tak chu kan tawngtai zel theihna hi a ni.
- Kan chhungkua leh kohhran zingah rilru leh taksa lama damna kan chan theih nan i tawngtai ang u.
- Kan tawngtai kawppui tur mi 5 kan thlante chuan tawngtaina hmanga Lalpa kraws an put ve theih nan i tawngtai chhunzawm ang u. Chung mite mamawh leh chakhaite kan dilsak thiam theih nan an mahni nen hun tam tawh hmangin i sawiho ang u.
- Midangte hnen atanga tawngtai thupui lak khawma tawngtai ni se.
- EMC hmanga khawvel huap rawngbawlina kal mek tan chip chiar takin i tawngtai ang u. Isua chuan a thuhretu ni turin min duh a, Jerusalem (kan chhungkua), Juda ram (kan khua leh tui), Samari (hnam dangte), leh khawvel tawp thlenga mite hnenah min tir a. Chutianga thuhretu kan nihna kawnga EMC ten kan awmna hmun atanga hla ber, khawvel hmun hrang hranga rawng kan bawlina atan tawngtaina vawiinah bul tanin, kohhran pakhat atanga khawvel huapin i tawngtai ang u. Africa, Philippines, Myanmar, Mexico, Europe, Canada leh USA rama Local kohhrante, Pastor te leh ringtute tan i tawngtai ang u.

Ni Thumna

"Invena ralthuam"



Ephesi 6:14-17 – “Chutichuan, in kawng chu thutaka hrengin, felna awmphaw chu hain, remna Chanchin Tha inbuatsaihna chu in keah bunin ding rawh u; chung lo pawh chu rinna phaw la ula, chu chuan mi sual thal alh thei zawng zawng chu in timit thei ang. Tin, Chhandamna lukhum leh Thlarau ngunhnam (Pathian Thu chu) la ula,”

Pathian ralthuam famkima inthuam turin kan infuih a. Chu ralthuam chu kan inhumhimna a ni. Pathianin kan hneha kan tlarau nun a him theihna turin kan hman tur a ralthuam min pe a ni.

Felna awmphaw – Sipaiten awmphaw an hakna chhan chu thin, lung, chuap leh mihring taksa nunnaa peng pawimawh lai ber berte ralin an rawn beihin awmphaw chuan a lo chhanhim thei a ni. He lei ral indona chu thlarau lam thila indona nen Paula hian a tehkhin a, nun thianghlim neia hnehna changtu kan nih theih nan duhamna, itsikna, huatna leh sualna tinrengte hneha khuh bo theitu felna a ni. Hmanlai sipaiten awmphaw hmanga an inhumhim thin angin Krista felna chu awmphawa hmanga sual laka inhumhim tur leh chu felna awmpaw hmanga hnehtu kan nih theih a pawimawh hle a ni.

Rinna phaw – Sipaiten indonaa an hman thin Paula sawi phaw hi an taksa pum hlah khuh thei tur feet hnih leh a chanve bial vel savun emaw thil sakhat emawa siam a ni a. Paula sawi rinna hi mihringin Pathian a rinna emaw mihringin Pathiana a inngahna emaw a ni a. Ringtute rinna hian thil a tithei em em a, a chhan chu an rin Isua vang a ni a, amah chu thiltihtheihna zawng zawng neitu a ni. Kan rinna hi eng tikah mah a rinhlelhawm ngai lo, a chhan chu kan rin Isua a rinawm vang a ni.

Chhandamna lukhum – Paula hun lai hian sipaiten lukhum khum lovin ral an bei ngai lo va, chu lukhum chu an lu leh an hmai humhim thei tura thira siam a ni. Paulan he ralthuam a sawi hian Isua chu Lal leh Chhandamtu atana pawm tura a sawmna lam a ni lo. Chu ai chuan, sualin min beih fo thinna kawnga rinhlelhna leh harsatna chi hrang hrang laka inhumhimna a ni. Chuvangin, he chhandamna lukhum hi Pathian min enkawlina, Pathian thutiam leh kan nitin nuna a thiltihtheihna te ringhlel lo tura chhandamna lukhum a ni. Kan nitin nun kawngah Pathian chhandamna hi kawng hrang hrangin kan mamawh a, rinhlelhna, taksa bawrhawmna leh a chhe zawnga thil kal chi hrang hrangahte Pathian chhandamna kan mawh thin. Kan chhehvelah thil eng pawh thleng se Pathian chhandamna lukhum kan khum tih kan inhriatchian chuan Lalpa a ropui zel ang.

Tawngtai rualna atana rawtna leh ruahmanna

“Tin, heti hi a ni a, Isua khawi i hmunah emaw a tawngtai a, a tawngtai zawh chuan a zirtir mi pakhatin a hnenah, ‘Lalpa, tawngtai dan Johanan a zirtirte a zirtir ang khan min zirtir ve ta che,’ a ti a,” (Luke 11:1)

“Chutichuan, nangni chuan hetiang hian tawngtai rawh u: Kan Pa vana mi, I hming zahawm rawh se. I ram lo thleng rawh se, I duhzawng vana an tih angin leia miin ti rawh se. Vawiinah hian kan ei khawpin chaw min pe ang che. Kan batte hi min ngaidam ang che. Keini pawhin kan englo bate kan ngaidam tak ang khan. Sual tura thlemnaah min hruai lut suh la, Mi sual lakah chuan min chhandam zawk ang che, tiin” (Matthaia 6:9-13)

Lalpa tawngtaina hian Pathian chu tu nge (lalber, thianghlim, leh thiltihtheihnaa khat) a ni tih min hriatnawntirin min hmuhfiachtir a, mihringte hi engtiang mi nge kan nih (mamawh nei, tanpui ngai, sualnaa khat) tih min ngaihtuahtir bawh a. Tawngtaina hi kan duhna leh kan nunna Lalpa hnena hlanna a ni. Chutianga inhlanna famkim chuan huaisenna leh nghehna min pe a ... A “duhzawng vana an tih angin leiah tihin a awm thin a ni.”

Tawngtai dan tur kaldung chhawng li hriat theih dan awlsam lam tawi

ACTS: Adoration = Chawimawina, Confession = Sual thuphachawina,

Thanksgiving = Lawmthusawina, Supplication and Intercession = Mite tana dilsakna.

Ni sarih chung tawngtai rualnaah hian Adoration (Chawimawina), Confession (Sual thuphachawina), Thanksgiving (Lawmthusawina) te nei zel turin kan infuih duh a. Chutichuan, nitin ni sarih chung tawngtaina chuan kawng mumal leh tihdan kalhmang pakhat neiin Supplications (Mite tana dilsakna) nen Pathian duh zawng ngaihvenin khawvel huapa harhna a thlen theih nan leh Chanchin Tha thehdarhna atan kan tawkho thei ang.

Ni Thumna – Tawngtai rualna atana rawtna leh ruahmanna

Chhunzawmna

Chawimawina (minute 10 vel)

“Kan Pa vana mi, I hming zahawm rawh se”

- Sam 95 – 101 zinga pakhat hi Pathian chawimawi nan ring taka chhiar ni se.
- Heng a hnuai fakna hlate zinga mi hi music nena ngaihthlak emaw mimala sakin emaw, ngaihtuahna hmangin emawa hun hmangin Pathian chawimawi nan hman tur a ni.
- Charles Wesley-a hla “Engtin nge ni, ka Chhandamtu”; Isaac Watts-a hla “Isua Kraws mak tak chungah khan”; Fanny Crosby-a hla “Pathian ropui rawh se”; Martin Luther-a hla “Kan Pathian kulhpui nghet i ni”.

Sual thuphachawina (minute 10 vel)

“Kan chungah thil tisualtute kan ngaidam angin, Nang pawhin kan thiltihual min ngaidam ang che.”

- Isuan, “Lalpa i Pathian chu i thinlung zawng zawngin, i thlarau zawng zawngin, i rilru zawng zawngin, i chakna zawng zawngin i hmangaih tur a ni, tih hi. A dawttu chu hei hi a ni, Nangmah i inhmangaih angin i vengte pawh i hmangaih tur a ni, tih hi. Heng aia thupek ropui zawk reng reng hi a awm lo,” a ti a (Marka 12:30-31).

Lawmthusawina (minute 10 vel)

“Ram te, thiltihtheihna te, ropuina te, chatuan I ta a ni si a.”

- “Lawmthu sawi chungin a kawngkharah chuan lut ula, Fak chungin a biak in hung chhung kawtlaiah chuan lut rawh u,” (Sam 100:4).

Mite tana dilsakna (minute 30 vel)

“I ram lo thleng rawh se, I duhzawng vana an tih angin leia mi’n ti rawh se ... Nitin kan ei khawpin chaw min pe ang che ...

Sual tura thlemnaah min hruai lut suh la, misual lakah min chhandam zawk ang che.”

- He ni 7 tawngtai rualna hian tawngtai nun kan neih theihna tura rah a chhuah theih nan i tawngtai ang u. Kan local kohhran leh kan thenawm khawveng rawlthar te zingah tawngtai nun kan din chhuah theihna turin Pathian tanpuina i dil ang u.
- Ram pum huap leh tual chung hruaitute tan i tawngtai ang u.
- Kan tawngtai kawppui tur mi 5 te nun Lalpan a hneh theih nan i dil ang u.
- Hnam dang leh tawng dang hmangte zinga EMC rawngbawltute tan i tawngtai ang u. Isuan a thuhretu ni turin min duh a, Jerusalem (kan chungkua), Juda ram (kan khua leh tui), Samari (hnam dangte), leh khawvel tawp thlenga mite hnenah min tir a. Ni khatah kohhran pakhat tana tawngtai zelin khawvel huap kohhrante tan kan tawngtai thei a. Mahni ram chhunga cheng, hnam te zawkte leh tawng dang hmangte tan i tawngtai ang u. Entirnan, USA rama spain tawng hmangte tan te, London leh Paris khawpuia Congolese tawng hmangte tan te, Myamar ram Paletwa biala hnam te zawkte zinga rawngbawlna tan te i tawngtai ang u.

Ni Lina

“Ral bei turte dinhmun”



Ephesi 6:10-11 – “A tawp berah chuan, Lalpaah leh a chakna thahruih chuan thiltihtheihna neiin lo awm rawh u. Diabola ngamthlemnate chu indo zawh nan Pathian ralthuam famkimin inthuam rawh u.”

He bung leh changah hian Paulan a dah pawimawh ber tawngkam chu hnehtu dinhmuna “din theihna tur” tih a nih thu kan thu hmasa lamah khan kan sawi tawh a, chu tawngkam chu tum li lai a sawi nghe nghe a. Chu chu thlemtu min beihna eng hun lai pawha kan hneh theih nan a ni. Pathian min pek ralthuam hi chik zawka kan thlirin a hun leh a hmun ang zela tangkai tur an ni vek a. A thente chu min humhimtu tur an nih rualin a thente chu kan hnehna hmanrua turte an ni. Ral rel dan thiam a pawimawh rualin indo hunah huaisen taka tan lak a pawimawh em em baw. Ram pakhatin indonaa ral a hneh tih kan hriat theihna chu a ram a humhimna leh a ram chhungah hmelmaten thuneihna an chan lohna chu a ni.

Chutiang bawkin ball khela infiamna pawh entirna atan kan hmang thei ang. An team ten an hneh theih nan leh lam team ten an lama goal an thun luh loh nana inven chauh kha an inkhel dan tur a ni lo va, an hneh theih nan an dote goal lamah ball an thun ngei tur a ni. Chu team hnihte inbeih dan chu a inang lo. Leh lam team ten goal thun tura an rawn beih lai tak chu an inven fimkhur a tul hun lai tak a ni a. Fimkhur taka an inven piah lamah chu ball ngei chu an dote goal lamah thun luh an tum ngei ngei tur a ni. Chutiang chuan hnehtu chuan a dote chu a bei let a, a um kian hnuin hnehna chang turin goal a thun ngei baw tur a ni.

Ringtu tam tak chu an hnena sual lut lo turin (ball lut lo turin) an inveng thiam khawp mai. Tha takin an do let thei a. An veng him thei baw. Lungchhiat thlak tak erawh chu, sual hnawh bova thlarau pawl hlimna tak tak chan erawh chu an thiam thin lo va. Thlarauva hlimna dik tak an chang thei lo va, sualin a bumna laka chhandamna an chang famkim thin lo a ni. Rinnaa hnehna an chanzia atakin an hmang thiam lo a ni.

Pathianin kan invenhimna tur ralthuam min pe a, chutiang bawkin sual leh a thiltihtheihna kan do letna tur ralthuam pawh min pe a ni.

Tawngtai rualna atana rawtna leh ruahmanna

“Tin, heti hi a ni a, Isua khawi i hmunah emaw a tawngtai a, a tawngtai zawh chuan a zirtir mi pakhatin a hnenah, ‘Lalpa, tawngtai dan Johanan a zirtirte a zirtir ang khan min zirtir ve ta che,’ a ti a,” (Luke 11:1)

“Chutichuan, nangni chuan hetiang hian tawngtai rawh u: Kan Pa vana mi, I hming zahawm rawh se. I ram lo thleng rawh se, I duhzawng vana an tih angin leia miin ti rawh se. Vawiinah hian kan ei khawpin chaw min pe ang che. Kan batte hi min ngaidam ang che. Keini pawhin kan englo bate kan ngaihdam tak ang khan. Sual tura thlemnaah min hruai lut suh la, Mi sual lakah chuan min chhandam zawk ang che, tiin” (Matthaia 6:9-13)

Lalpa tawngtaina hian Pathian chu tu nge (lalber, thianghlim, leh thiltihtheihnaa khat) a ni tih min hriatnawntirin min hmuhfiahtir a, mihringte hi engtiang mi nge kan nih (mamawh nei, tanpui ngai, sualnaa khat) tih min ngaihtuahtir baw a. Tawngtaina hi kan duhna leh kan nunna Lalpa hnena hlanna a ni. Chutianga inhlanna famkim chuan huaisenna leh nghehna min pe a ... A “duhzawng vana an tih angin leiah tihin a awm thin a ni.”

Tawngtai dan tur kaldung chhawng li hriat theih dan awlsam lam tawi

ACTS: Adoration = Chawimawina, Confession = Sual thuphachawina,

Thanksgiving = Lawmthusawina, Supplication and Intercession = Mite tana dilsakna.

Ni sarih chung tawngtai rualnaah hian Adoration (Chawimawina), Confession (Sual thuphachawina), Thanksgiving (Lawmthusawina) te nei zel turin kan infuih duh a. Chutichuan, nitin ni sarih chung tawngtaina chuan kawng mumal leh tihdan kalhmang pakhat neiin Supplications (Mite tana dilsakna) nen Pathian duh zawng ngaihvenin khawvel huapa harhna a thlen theih nan leh Chanchin Tha thehdarhna atan kan tawkho thei ang.

Ni Lina – Tawngtai rualna atana rawtna leh ruahmanna

Chhunzawmna

Chawimawina (minute 10 vel)

“Kan Pa vana mi, I hming zahawm rawh se”

- Sam 95 – 101 zinga pakhat hi Pathian chawimawi nan ring taka chhiar ni se.
- “Aw, Lalpa chu mi fakpui ula, a hming chu i chawimawi tlang ang u (Sam 34:3). Pathian hming chu engtingge kan chawimawi thin. Kan Pathian chu kan siam lian thei lova, hmuhnawm turin kan siam danglam thei hek lo. A hnena inhlan leh tawngtaina hmang erawh chuan Pathian chu kan hmu fiah thei a ... a mizia, a hnathawh leh a kawng te pawh chiang zawkin kan hmu thei a ni.

Sual thuphachawina (minute 10 vel)

“Kan chung a thil tisualtute kan ngaidam angin, Nang pawhin kan thiltihual min ngaidam ang che.”

- Lal Davidan Sam 51-naah Pathian hnena ngaihdam dila a tawngtai ang hian kan thiam dan danin i tawngtai ve ang u. “Ka khawlohnate hi mi silfaisak var la, ka soal hi mi tlenfaisak ang che ... keimahah hian thinglung thianghlim tak siam la; ka kawchungah hian thlarau dik tak siam thar leh ang che,” (chang 2, 10).

Lawmthusawina (minute 10 vel)

“Ram te, thiltihtheihna te, ropuina te, chatuan I ta a ni si a.”

- I rinna nun kawngte kha ngun takin chhut nawn leh la, mite thatna hmanga i hnena Pathian inpuanna a lian leh a te ber thlengin ngaihtuah rawh, a nih loh pawhin mak leh danglam taka a enkawlina che leh, a thianghlimna kawnga kal tura a chhanchhuah dante ngaihtuah la lawmthu sawi rawh.

Mite tana dilsakna (minute 30 vel)

“I ram lo thleng rawh se, I duhzawng vana an tih angin leia mi'n ti rawh se ... Nitin kan ei khawpin chaw min pe ang che ...

Sual tura thlemnaah min hruai lut suh la, misual lakah min chhandam zawk ang che.”

- In kohhran, in thian te, in chungkua leh nangma nunah tawngtaina mei a alh chhunzawm zel theih nan tawngtaiin dil chhun zawm rawh.
- In pastor leh hruaitute tan tawngtai rawh. An mimal chung lam nunah finna leh hriatna an neih theih nan dilpui rawh. An hlawhtlinna tur leh an taksa leh an thlarau a him theih nan dilpui rawh. Krista chu an mahniah a thanlen zel theih nan leh an tisa mizia tihteta a awm theih nan tawngtaipui rawh. Pathian thlarau chuan chhah tak, sang tak leh thuk taka a hual vela soal leh a thiltihtheihna ten an ngam loh nan tawngtai sak rawh.
- Zirna sikula thuneitute, zirtirtute leh zirlaite tan tawngtai rawh.
- Ram roreltu fel tak an lo pian chhuah theih nan tawngtai rawh. “Lalpa Pathian nei hnam chu an eng a thawl e; ama rochana a thlan mite chu,” (Sam 33:12)
- Tawngtai tura i nghawngkawl bahpui mi 5 te tan tawngtai chhunzawm rawh.
- In ram chung a EMC rawngbawlina atan tawngtai la, pastor leh local kohhran zawng zawngte tan tawngtai rawh. Harhna a awm theih nan tawngtai la, ringtharte tan tawngtai bawh rawh. Local kohhran thar dina a awm theih nan leh member ten an nun an thlak thleng theih nan dil rawh. Isuan a thuhretu ni turin min duh a, Jerusalem (kan chungkua), Juda ram (kan khua leh tui), Samari (hnam dangte), leh khawvel tawp thlenga mite hnenah min tir a. Ni khatah kohhran pakhat tana tawngtai zelin khawvel huap EMC kohhran tan tawngtai rawh. Ni khatah hnam tlem zawkte zinga rawngbawlina hmun thum tan tawngtai rawh. Vawiinah “Juda ram” nangma khua leh tui tan tawngtai rawh.

Ni Ngana

“Kan invenhimna tur ralthuam”



Ephesi 6:14-17 – “Chutichuan, in kawng chu thutaka hrengin, felna awmphaw chu hain, remna Chanchin Tha inbuatsaihna chu in keah bunin ding rawh u; chung lo pawh chu rinna phaw la ula, chu chuan misual thal alh thei zawng zawng chu in timit thei ang. Tin, Chhandamna lukhum leh Thlarau ngunhnam (Pathian Thu chu) la ula.” Pathian ralthuam famkim chu la turin kan za mai hian min fuih a. Thlarau nuna kan do ralte laka kan invenhimna tur ralthuamte pekin kan awm a.

Thutak kawngghren – Sipaiten ral an do dawna kawngghren an hrenna chhan chu ral do tura an inpeihzia entirna a ni a, kawngghren hi raldona hmanrua a ni kher lo. Thutak kawngghren hian ringtu chu soal do tura a inpeihna leh Pathian thua a dinzia a lantir a. Greek tawng atanga an lehlinna thutak “truth” tih awmzia chu thil dik tihna a ni a. Ringtuin Pathian thua thil dik a hriat hi thil pawimawh tak a ni a, ringtuin soal a donaa a hneh chuan Setana ruahmanna a do hneh tihna a ni a. Chu chu Pathian thu atanga thil dik a ni.

Remna Chanchin Tha pheikhawbun – Pheikhawbun inkhing dik tak sipaiin a bun chauhvinn indonaah a kal thei ang a, a tul hunah a zuang ang a, ral beiin a ke duh ang takin a hawi thei ang. Remna Chanchin Tha pheikhawbun chuan kan ral Setana bei tura inring reng tih a lantir a. Remna Chanchin Tha chu mi zawng zawng hnena puang tura inpeih turin Krista chuan min duh a. Setana chuan Chanchin Tha kan puan chhuah theih loh dan tur kawng a ngaihven reng a. Mahse, mi zawng zawng hnenah kan puan theih nan kan kea bun tur remna Chanchin Tha chu pekin kan awm a ni.

Thlarau Ngunhnam (Pathian Thu) – Rom sipaite chu ral do tura inring rengin an kawngghrenah ngunhnam an pai a, an kutin phaw an keng reng bawb thin a ni. Heng hmanruate hi inpawmchilha an inbeihnaa an hman ralthuam a ni. Paulan thlarau lam soal do nan he ngunhnam leh Pathian Thu a hmeh kawp a. Rom sipaiten ngunhnam hi an doral laka an inven nana an hman rualin an doralte an beih let nan an hmang bawb a. Isuan Pathian Thu hi soal dona ralthuam atana hmangin thlalerah khan thlemtu hnar nan a hmang a ni. Chuvangin, Pathian thu hi kan inhumhim nan te, soal leh thlemna kan do hneh theih nana kan ralthuam tha ber a ni tih hi chiang taka kan hriat a tha.

Tawngtai rualna atana rawtna leh ruahmanna

“Tin, hetih hi a ni a, Isua khaw i hmunah emaw a tawngtai a, a tawngtai zawh chuan a zirtir mi pakhatin a hnenah, ‘Lalpa, tawngtai dan Johanan a zirtirte a zirtir ang khan min zirtir ve ta che,’ a ti a,” (Luke 11:1)

“Chutichuan, nangni chuan hetiang hian tawngtai rawh u: Kan Pa vana mi, I hming zahawm rawh se. I ram lo thleng rawh se, I duhzawng vana an tih angin leia miin ti rawh se. Vawiiinah hian kan ei khawpin chaw min pe ang che. Kan batte hi min ngaidam ang che. Keini pawhin kan englo bate kan ngaidam tak ang khan. Soal tura thlemnaah min hruai lut suh la, Mi soal lakah chuan min chhandam zawk ang che, tiin” (Matthaia 6:9-13)

Lalpa tawngtaina hian Pathian chu tu nge (lalber, thianghlim, leh thiltihtheihnaa khat) a ni tih min hriatnawntirin min hmuhfiatir a, mihringte hi engtiang mi nge kan nih (mamawh nei, tanpui ngai, sualnaa khat) tih min ngaihtuhtir bawb a. Tawngtaina hi kan duhna leh kan nunna Lalpa hnena hlanna a ni. Chutianga inhlanna famkim chuan huaisenna leh nghehna min pe a ... A “duhzawng vana an tih angin leiah tihin a awm thin a ni.”

Tawngtai dan tur kaldung chhawng li hriat theih dan awlsam lam tawi ACTS:

Adoration	=	Chawimawina
Confession	=	Sual thuphachawina
Thanksgiving	=	Lawmthusawina
Supplication and Intercession	=	Mite tana dilsakna

Ni sarikh chung tawngtai rualnaah hian Adoration (Chawimawina), Confession (Sualthuphachawina), Thanksgiving (Lawmthusawina) te nei zel turin kan infuih duh a. Chutichuan, nitin ni sarikh chung tawngtaina chuan kawng mumal leh tihdan kalhmang pakhat neiin Supplications (Mite tana dilsakna) nen Pathian duh zawng ngaihvenin khawvel huapa harhna a thlen theih nan leh Chanchin Tha thehdarhna atan kan tawkho thei ang.

Ni Ngana – Tawngtai rualna atana rawtna leh ruahmanna

Chhunzawmna

Chawimawina (minute 10 vel)

“Kan Pa vana mi, I hming zahawm rawh se”

- Thuthlung Hlui hunah Pathian miten Pathian mizia an hmuh dan leh an hriat fiah dan ang zela Pathian hming an lam dante hi ngun takin i zir chiang ang u.

El Shaddai (Pathian Chaka), El Elyon (Pathian Chungnungber), Adonai (Lalpa), Yahweh (Jehova Pathian), Jehovah Nissi (Pathian Kan Hnehna), Jehovah-Raah (Lalpa Beram Vengtu), Jehovah Rapha (Pathian Tidamtu), Jehovah Shammah (Lalpa Awmna Hmun), Jehovah Tsidkenu (Lalpa Ka Felna), Jehovah Mekoddishkem (Lalpa Min Tithianghlitmu), El Olam (Chatuan Pathian), Elohim (Pathian), Qanna (Pathian Thikthuchhia), Jehovah Jireh (Pathian Intumchawp), Jehovah Shalom (Pathian Kan Thlamuanna), Jehovah Saboath (Pathian Kan Thlen In).

Sual thuphachawina (minute 10 vel)

“Kan chungna thil tisualtute kan ngaidam angin, Nang pawhin kan thiltisual min ngaidam ang che.”

- Baptistu Johanan Pathian nihna a sawi a, “Ani chu mi zuitu tur chu a ni a, a pheikhawk hrui phelhlak pawh ka ni lo ve, a ti a ... Ani chu tlatlum tur a ni, kei erawh chu lang tur ka ni,” (Johana 1:27; 3:30)
- I nuna Pathian daltu dah kian turte ngaihtuah rawh, tichuan; i nunah Krista chu siam lenin a awm ang. Krista chu i nunah siam lena a awm theih nan Krista aia i ngaih pawimawh thilte ngaihtuah nawn leh rawh.

Lawmthusawina (minute 10 vel)

“Ram te, thiltitheihna te, ropuina te, chatuan I ta a ni si a.”

- Tirhkoh Paulan he thu hi a zirtir a ... “engkimah lawmthu hril rawh u; chu chu nangmahni lam thuah Krista Isuaah chuan Pathian duhzawng a ni si a,” (1Thessalonika 5:18). Vawiinah i nuna thil tha leh chhia te avangin lawmthu sawi rawh.

Mite tana dilsakna (minute 30 vel)

“I ram lo thleng rawh se, I duhzawng vana an tih angin leia mi'n ti rawh se ... Nitin kan ei khawpin chaw min pe ang che ...

Sual tura thlemnaah min hruai lut suh la, misual lakah min chhandam zawk ang che.”

- Ni sarih tawngtai rualna chu kan hmang zo dawn ta a, i nunah Pathian hnenah tawngtai nun tak tak a awm theih nan dil rawh.
- Krista taksa kohhran leh ringtute hnenah harhna dik tak a thlen theih nan dil rawh.
- I thiante leh i chhungte tan tawngtai rawh. Chung mite zingah i rilrua i vei berte tan Pathian duhna thianghlim an chungah lantira a awm theih nan dil rawh.
- Tawngtai tura i nghawngkawh bahpui mi 5 te tan tawngtai chhunzawm rawh.
- Isuan a thuhretu ni turin min duh a, Jerusalem (kan chhungkua), Juda ram (kan khua leh tui), Samari (hnam dangte), leh khawvel tawp thlenga mite hnenah min tir a. Ni khatah kohhran pakhat tana tawngtai zelin khawvel huap EMC kohhran tan tawngtai rawh. Ni khatah hnam tlem zawkte zinga rawngbawlna hmun thum tan tawngtai rawh. Nitin “Juda ram” nangma khua leh tui tan tawngtai rawh. Vawiinah, Jerusalem (kan chhungkua) tan tawngtai rawh. EMC kohhrana in local, in circuit leh in district tan tawngtai la, a bikin in local kohhran tan tawngtai rawh.

Ni Rukna leh Ni Sarihna

“Kan ralthuam tha ber tawngtainai”



Ephesi 6:18-19 – “... tawngtaina leh dilna tinrengin eng hun pawha Thlarauva tawngtaiin, chu mi kawngah chuan mi thianghlim zawng zawng tan thahnemngai tak leh dil tlatin ngaihven rawh u; Chanchin Tha thuruk huai taka puang tura ka ka ana, thu sawitira ka awm theih nan ka tan pawh mi dilsak rawh u, chu mi kawngah chuan ka sawi tur ang chu huai taka ka sawi theihna turin, chumi Chanchin Tha palai khaidiat bun ka ni.”

Paula'n Pathian ralthuam a sawi zinga a hnunung lam kan lo thleng dawn ta a. Amaherawhchu, he ralthuam a sawi hi thil dang zawng aia sawi nep theih loh tura thiltihtheihna nei, tawngtaina chungchang a ni. Paula'n he chang tawi te hmanga thu tawp a siam nan hian, tawng danga lehlinaah chuan “zawng zawng” (English – All, Greek – πᾶς) tih thumal vawi li a hmang a. Paula'n puan chhuah a tum ber chu, tawngtaina avang chauhvin hlawhtlinna a lo awm a ni tih hi a ni. Kan tawngtainaah kan beidawng mai tur a ni lo. Kan beidawna tawngtai lohva kan tlak mai chuan kan ralthuam neihin awmzia a nei lo vanga kan dote lakah kan tlawm mai ang a. Kan invenna ralthuam chu a lo chhe mai dah ang e.

Chanchin Tha a darh zau zel theihna chhan chu ringtuten rinawm tak leh bang lova kan tawngtai vang a ni, tih hi Paula min zirtir duh niin a lang. Ringtu zawng zawngte hi hnehtu kan ni thei a. Kan hneh theihna chu kan tawngtainaah a inngat a ni. Chuvangin, Paula'n a rawngbawlpuite rinnaa tawngtai turin a sawm a. Huaisen tak leh thiltihtheihna neia Chanchin Tha a puan chhuah theih nan ringtute tawngtainain thil a tithei tih chiang takin a hria. Kan tawngtai loh erawh chuan Chanchin Tha daltu kan lo ni zawk thin.

Chuvangin: ENG LAI PAWHIN – THLARAU LEH TIHTAK ZETIN – MI THIANGHLIMTEN HMUN TIN LEH RAM TINAH CHANCHIN THA AN HRIL THEIH NAN – i tawngtai ang u.

Tawngtai rualna atana rawtna leh ruahmanna

“Tin, heti hi a ni a, Isua khawi i hmunah emaw a tawngtai a, a tawngtai zawh chuan a zirtir mi pakhatin a hnenah, ‘Lalpa, tawngtai dan Johanan a zirtirte a zirtir ang khan min zirtir ve ta che,’ a ti a,” (Luke 11:1)

“Chutichuan, nangni chuan hetiang hian tawngtai rawh u: Kan Pa vana mi, I hming zahawm rawh se. I ram lo thleng rawh se, I duhzawng vana an tih angin leia miin ti rawh se. Vawiinah hian kan ei khawpin chaw min pe ang che. Kan batte hi min ngaidam ang che. Keini pawhin kan englo bate kan ngaidam tak ang khan. Sual tura thlemnaah min hruai lut suh la, Mi sual lakah chuan min chhandam zawk ang che, tiin” (Matthaia 6:9-13)

Lalpa tawngtaina hian Pathian chu tu nge (lalber, thianghlim, leh thiltihtheihnaa khat) a ni tih min hriatnawntirin min hmuhfihtir a, mihringte hi engtiang mi nge kan nih (mamawh nei, tanpui ngai, sualnaa khat) tih min ngaihtuahtir bawh a. Tawngtaina hi kan duhna leh kan nunna Lalpa hnena hlanna a ni. Chutianga inhlanna famkim chuan huaisenna leh nghehna min pe a ... A “duhzawng vana an tih angin leiah tihin a awm thin a ni.”

Tawngtai dan tur kaldung chhawng li hriat theih dan awlsam lam tawi

ACTS: Adoration = Chawimawina, Confession = Sual thuphachawina,

Thanksgiving = Lawmthusawina, Supplication and Intercession = Mite tana dilsakna.

Ni sarih chung tawngtai rualnaah hian Adoration (Chawimawina), Confession (Sual thuphachawina), Thanksgiving (Lawmthusawina) te nei zel turin kan infuih duh a. Chutichuan, nitin ni sarih chung tawngtaina chuan kawng mumal leh tihdan kalhmang pakhat neiin Supplications (Mite tana dilsakna) nen Pathian duh zawng ngaihvenin khawvel huapa harhna a thlen theih nan leh Chanchin Tha thehdarhna atan kan tawkho thei ang.

Ni Rukna leh Sarihna – Tawngtai rualna atana rawtna leh ruahmanna

Chhunzawmna

Chawimawina (minute 10 vel)

“Kan Pa vana mi, I hming zahawm rawh se”

- Krista ropuizia lantir nan leh chawimawina tawngkam thenkhat Thuthlung Thara kan hmuh heng tawngkamte hi ngun takin ngaihtuah nawn leh rawh.

Pathian Beram No, Fapa mal neih chhun, Nunna Chhang, Thu, Kawngka, Kawng, Thutak, Nunna, Grep Hroi, Kan Thlamuanna, A Kila Lung Pawimawh, Kohhran Lu, Kan Remna, Chhandamna Sipai Hotu, Kan Rinna Siamtu, Beram Vengtu Tha, Chhun Arsi, Pa Fapa Hrin Hmasa, Ahnungber leh Ahmasaber, Thuhretu Rinawm leh Dik, Sakeibaknei Juda Hnama mi, Lalte Lal, Varpah Arsi.

Sual thuphachawina (minute 10 vel)

“Kan chungna thil tisualtute kan ngaidam angin, Nang pawhin kan thiltihual min ngaidam ang che.”

- Sual thuphachawina awmzia ngun taka ngaihtuah nawn leh ni se. Rilru leh tihtak zeta tawngtaina hmanga mahni nun kan inbih chian theuh hnuin, sualthuphachawi tur kan neih apiangte thupha i chawi ang u. Chutiang bawkin Pathian nena kan inlaichinna dai dantu kan chezia leh kan thiltih dik lo a awm chuan thupha i chawi ang u. Chu mi avang chuan Pathian ngaihdamna dil ila, min ngaidam ngei a ni tih rilru taka hriain hlim takin a lainatna chu i pawm ang u. Ani chuan kan sualnate ngaidam turin ngil a nei a, a hnena sual thupha kan chawi chuan min ngaidam duh em em a ni.

Lawmthusawina (minute 10 vel)

“Ram te, thiltihtheihna te, ropuina te, chatuan I ta a ni si a.”

- Pathian min enkawlina leh mal min sawmnate avanga a hnena lawmthu kan sawinate hi a tling tawk lo em em a. Pathian hnena kan mamawh tinreng kan dil hma hian Pathian hnena lawm nachang hriatna i nei chhunzawm zel ang u.

Mite tana dilsakna (minute 30 vel)

“I ram lo thleng rawh se, I duhzawng vana an tih angin leia mi'n ti rawh se ... Nitin kan ei khawpin chaw min pe ang che ... Sual tura thlemnaah min hruai lut suh la, misual lakah min chhandam zawk ang che.”

- He ni sarih tawngtai rual tawpna hi tangruala kan tawngtaiho tawpna a ni lo va. Pathian hnenah tawngtai nuna riltamna neia tawngtai mi kan nih theih nan i dil ang u.
- Kan kohhrana ringharte tan i tawngtai ang u. Tawngtaiho tura i nghawngkawh bahpui mi 5 te chuan tawngtai nun an neih a, an thlarau chhandama a awm theih nan dil rawh.
- I thiante leh i chungte tan tawngtai chhunzawm rawh. Chung mite zinga Pathian mamawh ber nia i hriat tan leh Pathian mamawh lo ber nia i hriat te tan a bikin tawngtai rawh.
- Isuan a thuhretu ni turin min duh a, Jerusalem (kan chungkua), Juda ram (kan khua leh tui), Samari (hnam dangte), leh khawvel tawp thlenga mite hnenah min tir a. Ni khatah kohhran pakhat tana tawngtai zelin khawvel huap EMC kohhran tan tawngtai rawh. Ni khatah hnam tlem zawkte zinga rawngbawlina hmun thum tan tawngtai rawh. Nitin “Juda ram” nangma khua leh tui tan tawngtai rawh. EMC kohhrana in local, in circuit leh in district tan tawngtai la, a bikin in local kohhran tan tawngtai rawh. He tawngtai rualna ni hnukung ber ni hnih chung hian i chungte tan leh an mahni nena in inlaichinna tha in neih theih nan dil rawh. I chungte tan Pathian thuhretu tha leh rinawm i nih theih nan tawngtai rawh. Pathian tanpuina rinchanin i chung te tan, i kohhrante tan, leh i laichinte tan mi tangkai leh thil tha titu i nih theih nan Pathian hnenah tawngtai rawh.



Ni Sarih Tawngtai Rualna Rawtna leh Fuihna

April 2017 hun chhunga kan neih tur tawngtai rualna hian ringtu mimal tinte leh local kohhran zawng zawngte hnenah harhna leh thlarau lama hmasawna thar thlen turin beiseina ropui tak kan nei a ni. He tawngtai rual Hapta lo thleng turah

hian local tinten mumal taka inbuatsaihna neiin rilru leh thlarau taka dawnswan kan tum theuh a pawimawh a. He hun hmang tur hian tawngtaina lama rawngbawl leh hruaitu in neih chuan sawmin Pathian hmanga thawhona neia van lam thlipui sawm chhuak tura hapta khat chhung rawngbawl tura inbuatsaih tur a ni. Chutianga rawngbawltu sawmbik in neih loh chuan tualchhung rorelnain hapta khat chhung hruaitu turte ruatin (EMW leh EMY hruaitute zinga mi emaw Steward Board zinga mi emaw) ngun thluk taka inbuatsaih tur a ni.

Rawtna Tlangpuite:

TAWNGTAI INTHURUALNA: Miin thupui pakhat hmanga Pathian hnena a tawngtaiin mi dang pawhin amah ang bawkin chu thupui hmang vek chuan a lo tawngtai ve tih hriat a tha. Inthuruala Pathian hnena tawngtaina hian thiltihtheihna ropui tak a nei! Mi pakhatin thupui pakhat hmanga a tawngtai tawh chuan, mi dang lo inrawlh ve a tul lo tia ngaih tur a ni miah lo. "Tih tak meuhvin ka hrilh leh a che u, lei chungah hian in zinga mi pahnih an thil dil kawnga an thurual chuan, ka Pa vana mi tihsakin an awm ang," (Matthaia 18:19). Inthuruala tawngtaina hi chakna leh hlawhtlinna min petu a nih avangin chawisan fo tur a ni!

CHAWNGHEI: Ni sarih tawngtai rualna rawn hmang then khatte chu chawnghei tawngtai turin sawm la, TV, music, films, internet, leh hmawmsawm etc. te ngheia tawngtai turin. Hun dang aia tawngtai tam deuh tur leh Bible study nana hun hmang tam deuh tur leh Pathian thu chu nangmah leh kohhran mipuite hnena a inpuan theihna turin dil rawh.

BIBLE THU HMANGA TAWNGTAI: Bible thu hmanga tawngtai emaw Bible chhiara tawngtai emaw hian Pathian duh dana tawngtai tura chakna min siam sak na sa a. Pathian thutiam hre nawn leh tura tawngtai hi rinna tihchakna tha tak a ni. Pathian thu hmanga tawngtai hi Pathian fakna leh a thutiam ropuizia lantir a ni. "Krista thu chu finna tinrengin nangmahniah awm theuh rawh se; fakna hla te, Pathian hla te, thlarau lam hla tea inzirtirin inziilh tawn ula, thilnungah khawngaihna neiin Pathian chu hla saksak rawh u," (Kolossa 3:16). In tawngtaina chuan hlimna leh lawmna a thlen dan che chu ropui i ti hle ang.

TAWNGKAM DIK: Tawngtaina chu a tawiin a kimchang tur a ni. Chu chuan mi dangte tan tawngtaina hun remchang a siam sak a. Tawngkam dik tak leh tawi kimchang taka tawngtai tum tlat tur a ni. Kan tawngtai thu chham hi kan pawt sei thei a. Tawi famkim taka tawngtai chuan mi rilru a hipin hun khawh ral lovin min vawn sak a, chu bakah Thlarau Thianghlim chuan awlsam takin kan tawngtaipuite rilruah thu a sawi thei baw a ni. I tawngkam hman zawng zawngah thu bula tan that leh emaw thu tawp siam emaw a tul kher lo, "Aw Lalpa" tih mawlh mawlh te, "Amen" tih reng te etc. Tawngtaina chu Pathian nena inbiak/inkawmna a ni a, tum khat kam kan inkeu tawh chuan kan thu kan chhonzawm zel tur a ni.

NGAWI RENGIN: Hruaitu chuan mipuite tawngtai dan chu a thununin a awp bet tur a ni lo. A chhan chu miten zalen taka an tawngtai theih nan a ni. Ngawi renga tawngtai hi ropui tak a ni, an rilru chung ril ber atanga Pathian an pawl avangin. Thlarau Thianghlimin hna a thawh phalsak la, mi zawng zawngin zalen taka an tawngtai theih dan tur ngaihtuahpui rawh.

HLA SAK: Tawngtai leh fakna hla sak inchawhpawlha hman hian tawngtai hun a timawi hle a. Kan tawngtaina nena inmil hlate thlangin hruaitu chuan a karah zep thiam se a tha. Hla zawng zawng sak kher tura ngaih erawh chu a fuh lo thei a; hei hi kan tih dan atana tha tura ngaih fuihna leh rawtna mai a ni. Hla sak hi tawngtai thupui pakhat atanga thupui danga pakai hmaa rilru inbuatsaihna atan a tangkai em em.